



2 an

Von Gründli- cher Heylung der Zauberi- schen Schäden vnd Vergiff- ten Ascendenten zu standt.

Des Edlen vnd Hochgelehrten
H. Doctoris Bartholomæj Carrichters/
Weiland der Röm: Käys: May: H E R-
R E N Maximiliani I I. vnfers aller
Gnädigsten H E R R E N Hoff-
Doctoris vnd Archiatri.

Allen Wundärzten/Barbierern vñ sche-
tern zu gutem/ wie auch zu solcher armen Patt-
enten vollkommener Heylung/ vnd ihrer
Gesundheit widerbringung/ an
Tag gegeben

Durch

Benedictum Figulum, Utenho-
viatem, Francum: Poëtam L. C.
Th. Th. Phil: Medic. Ero-
mitam T. M.

2
Von Heylung der Zaubere-
rischen Schäden.

Der Edlen vnd Kunstreichen
Ulrich Becken von Wien/ wünsche
Ich von Gott dem Allmächtigen alles
guts zuvor: Erbarer vnd Kunstreicher Meister
Ulrich/ lieber getreuer Freund/ Die weil du
mich angesprochen/ vnd angelangt hast/ dir ein
vnderricht anzuzeygen/ vnd zuthun/ von wegen
der Zaubereischen Kranckheiten/ Schäden vnd
Gebresten/ wie die erkant/ geheylt vnd gewendet
mögen werden / welches nicht geschehen mag/
ohn erkantnuß einer jeden Zauberey/ in gemein
ein besonder Eur vnd Proceß inhalt. Du solt
auch wissen daß nicht allein die Menschen/ son-
der auch die vnernüfftigen Thier vnd Viehe/
durch die Zauberey vergiffet vnd getödtet kön-
nen werden.

Nun aber das Weib so vnder deinen Hän-
den gar Schwach vnd Kranck ist/ vnd wie du
mir angeigest/ gar zusammen gewachsen ist/ be-
langet/ so thu ich dir zu wissen/ das solches ein
lautre Zauberey/ durch das geblüt geschehen
ist/ wie du hernach in meiner Practick hören
wirfst/ desgleichen finde man vnder den Zau-
ereischen Schäden/ da dem Menschen nichts an-
gesehen/

gesehen/ ligt gar Krafftloß/ Ziser vnd trincket
wol/ hat aber nicht macht/ das es sich im Bere
vmbwenden köndte/ darneben leiden sie grossen
schmerzen vnd Angst/ dardurch sie also zu kei-
ner Ruh mögen kommen/welches auch ein son-
dere Cur haben muß. Man findet auch/ das
die Kinder bezaubert werden/ das sie nicht ge-
denen können/ gar verdrorzen/ sich abheulen vnd
schreien die ganze Nacht.

Item man findet das die Männer vnd We-
ber in der Ehe verzaubert werden/ das sie nit al-
lein mit einander Zancken vnd Rauffen müs-
sen/ sondern auch die Ehelichen Werck nicht
thun noch pflegen können. Item es geschicht
auch das etlich durch geschosß in Händen an
Fingern vnd andern Gliedern geschossen wer-
den/ welches so arg als das Feur in der Höllen
brinnen mag.

Item es wird offte gethan/ dasß die Menschen
gar von Sinnen kommen/ tag vnd nacht gar
kein Ruh haben / wallen jämmerlich/ lauffen
sich umbzubringen vnd allerley böses fürzu-
nehmen/ das für kein eigene Cur.

Item: Es begibt sich durch böse Imagina-
tion vnd einbildung/ durch ein wächsen Bild/
dasß sie in desselbigem Namen/ den sie zu beschä-
gen begehren / machen / dasselb auff ein Holz
stellen/

stellen/ vnnnd bey dem Feuer herumß wendern
vnd Braten/ biß es gar hinweg schmelzet/ die-
se Leut doreen hinweg/ vnd man vermeint das
sie die Schwindsucht haben. Mehr pfflegen die
Zauberischen Säckle/ das Viehe in den Stalle
zu vergiffen/ das sie nicht allein/ deß nutz der
Milch beraubt/ sonder auch misler weil gang
vnnnd gar absterben. Solche vnd dergleichen
Zaubereyen wöllest warnemmen/ vnnnd dieses
meine Tractätlein lesen/ vnd die Kräuter vnd
stuck so darzu gehören/ in zeit einsamelen vnd
Colligieren/ damit kanstu Gott vnd deinem
Neben Menschen dienen/ vnd wirdt dir auch
kein Zauberer schaden/ vnd etwas thun können/
damit will ich dich in den Schutz vnd Schirm
deß Ewigen Gottes befohlen haben/ Datum
Preßlaw den 16. Januarij Anno 1551.

D. Bartholomæus Carrichter,



Diese

5

Diese Nachvolgende Stück soll
man allwegen im Vorrath halten.

Alles was Ich anheben zu erzehlen alle
die Stück/ so man wider die Obergelse
Kranckheiten zugebrauchen pflcet/ vnd
merck das alle Kräuter/ Wurzlen vnd Blumē/
auch Wispel/ sollen alle gebrochen werden ge-
gen dem Mon/ auch sollen sie mit keim Eisen be-
rührt werden/ damit werden denn die zur ersten
gesteckt/ Es werden auch esliche in dem Neuen
Monden gebrochen/ Aber nicht viel/ wirdt ein
jedes in seinem eigenen Proceß begriffen.

Hipericon, das ist wilde Gartheil/ Beyfuß/
Stabwurz / Spizen wegerich / roter Knob-
lauch/ Johannis Blumen / die weissen so auff
den äckern wachsen / Tostē/ B. Jonien Kör-
ner/ darnach dreyerley Daurant/ der erst ist den
man sonst Hundskopff nennet / der Ander ist
der gemein Daurant/ der dritte ist der Edle
Daurant/ wird beschrieben in Matthiolo hat
Blumen wie ein Pusch Federn/ ist gar gemein/
Aber von wenigen für ein Daurant erkant/
Matthiolius sagt/ es hab bleich braune Blüm-
lein. Dreyerley Widerthon / das Edel Wi-
derthon ist/ der an sandechten Orten auff dem
Wist wächst / solche Kräuter sollen gesamelet
werden

A iij

werden/wenn es schön hell am Himmel ist/vnd ein jedes voller blüßst stehet. Hasel Mistel/ Eybischholz das auff einer Einden wechß/ Eindenholz/ Dehl/ Lerchenhartz/ rote Corallen/ Farnkraut/ Rot Erdschwam der vnder der Bircken wachße/ Braunwurz/ Einden Mistel/ solches soltu haben im vorraht / so du den dingen wilt recht vorsehen.

Folgen zwei Salben welche mit gemeinlich in allen Zaubertischen sachen wider alle gebrechen zugebrauchen pflegen/ welches wir sonst Balsam nennen.

Der Erste Balsam von Haselen

Mistel/ die Salb mach also.

Item Nim Junger Hundsschmalz/ das wol geläutert. 8. Loth/ Berenschmalz/ wol geläutert/ 16. loth/ Capannen Schmalz 24. Loth wol gereinigt/ Hasel Mistel 3. Gauffen/ stoß alles in einem Mörser mit einem Eindenem Stempffel/ mit Beeren vnd Bletter/ das es safftig wirdt/ mische es mit dem Schmalz/ thu es in ein Engsterlein/ stelle es an die Sonne 9. wochen/ so wirdt ein grünechte Sälblein darauß/ damit kanstu schmieren alle zauberische Schäden vnd schmerzen die von Zauberey herkommen/ verreibt alle schmerzen wie du es hernach zugebrauchen wol erfahren wirst. Nun

Zauberischen Schäden.

7

Nun volget der ander Balsam von
Linden Mistel.

Item Cappainen schmals rein geläutert/
dazu nimb vier gausen Linden Mistel/ vnd
machs aller dings wie das vorig gemelt/ Also ist
dieser Proceß fertig.

Volget die Cur/ wann ein Mensch ver-
trunt vnd abdorret/ das ihm die Knie an die
Brust wachsen/ welches auch von
Zauberey kompt.

Du solt dich nicht verwundern/ das der
Mensch grossen Schmerzen vnd Bebetagen
hat/ dann die Zauberin/ so den bezaubert/ hat
genomē die Kräuter/ so im höchsten Grad des
Saturni/ so in ihm/ vnd im Geist vnd Eleva-
tion des Stiers stehn/ vnd hat Gesucht ein
Quadram 6. 8. dazu/ das ist nach dem Boll-
mon der drit 4. oder 5. Tag/ auch im Nidergäg
der Sonnen/ hat sie etliche Zauberische wort
dazu gesprochen/ die sie der böß Geist gelehrt
hat/ (dann die Zauberischen Säck/ wissen nie
was sie reden/ dan sie habens vom bösen Geist/
vnd thun nichts dazu denn die Verblendung
des falschen Glaubens/ ruckten den Saft auß/
wäschen die Händ damit 3. mal/ Lassens von
ihnen selbst rücken/ darnach wäschen sie es
nicht mehr/ bis sie einen angerürt haben/ den

X iij

se

sie begeren zu beschädigen/ so balde sie dann zu dem selbigen kommen/ biertend sie ihnen die Händ/ so sich dann derselbig/ Gott nicht wol befohlen hat/ so fahrt der falsche Kräuter Beiß in ihn/ vnd verstopfft Augenscheinlich/ die drey Natürlichen Geister des Geblüts/ als dann in einem Augenblick kompt vnder dem Bisse ein doller schmerz wie ein grimmen im Leib/ kompt von stund zu stund je weiter in Leib/ wird Contract/ Lam/ vnd schreyet Mordio/ Ach vnd weh.

Nun folgt die Cur wie du ihm thun solt.

So etwa Brandt oder Hitz darben ist/ so löschet mans mit Farnkraut wurzel vnd Eychen äschen laugen/ schüt dieselb kalt auff/ vnd nim das Edle Durant wasser/ so mans nicht haben kan/ so nim Widerthon wasser/ des Morgends vor seinem Auffgang gegraben vnd gebrennt/ das es niemand nicht sicht/ darein thue Blut von einem jungen Hündlein 3. oder 4. tropffen/ einer Manns Person von einem Hündlein/ einer Weibs person von einem Hündlein/ das thue etlich mal nach einander/ mit aufflegen/ biß der Brand vergehet/ (das Blut soll auß den lincen ohr des Hündleins genommen werden/ wa aber der Schaden offen wer/ oder zuschwe.

Sauberischen Schäden.

schweren angefangen / so nim Widerthon ein-
theil / Durant drey theil klein gepülvert bis er
heil wirdt. Er wird von grund auß wol geheilet
werden / wa aber der Schaden nicht offen / so
nim die Salb von Haselmistel / vnd schmier die
Dre da der schmerz ist / so vergeht aller schmerz
vnd wirdt gesund.

Cur wann einer verzaubert ist / das er an
Armen vnd Beinen erlamt / vnd ihm doch
nichts angesehen wirdt / wie man
ihm thun solle.

Es geschicht off / das einer bezaubert wird /
das sie nemen ein Krott / vnd schlagen ihr die
Lenden engwey / durch ein Teuffelischen Aber-
glauben / davon derselb Mensch in dessen Na-
men die Krott geschlagen / durch ein Teufflisch
Wesen erlamen an Armen vnd Schencklen /
vnd wann man den Menschē ansicht / so sprichet
man / Ich vermeint es sey nur Büberen mit jm /
dann er an seinem Fleisch nicht abnimbt.

Diesem Menschen hilff also.

Nim ein viertel Kosen Wein / darein thu
die Edle Durant 5. Handvoll. Stabwurz. 3.
handvoll / Leg den Patienten in ein Mulden /
vnd laß die Kräuter mit dem Wein sieden /

A v

vnd

vnd Bade den Krancken darinn 9. mahlen/
vnd dann geuß in ein fließend Wasser/ vnd alle
mahl nach dem Baden/ salb ihm alle Glieder
mit der Haselmistel salb/ der Patient mag auch
wol von diesen Kräutern trincken/ so wirdt er
desto ehe gesund.

Wann Mann vnd Weib verdorren/ das
man vermeint sie haben die Schwindsucht/
vnd doch keine ist/ sonder Zauberey: wie
die gebrechen zuhehlen.

Es geschicht offte / das Männer vnd Weiber
durch Zauberey verdorren vnd abkommen/ das
man vermeint sie haben die Schwindsucht/ die
werden verzaubert durch außgraben ihrer Fuß-
stapffen in Rauch gehendet/ von solchem Werk
muß der Mensch verdorren vnd abkommen wie
ein Kolen.

Diesen Menschen hilf also.

Nim Johanstraut/ des dreyerley Durant/
dreyerley Widerchon/ vnd Wasser das vor der
Sonnen Auffgang geschöpffe ist worden/ dem
Stram nach vnd nicht entgegen/ In dem was-
ser laß die Kräuter sieden/ vnd den Krancken
9. Tag

9. Tag nach einander darinnen baden alle Tag zweymal/ vnd alle Tag ein frisches Bad/ vnd diese 9. tag soll der frantz mit seinen süßen kein Erden berühren/ sonder in Pantoffeln oder Schuhen gehen / vnd allwegen nach einem jeden Bad/die Solen vnden an süßen schaben/ vnd das geschabte fleißig zusammen halten/ vnd nach den 9. Tagen in ein jungen Eichbaum verspunden/ vnd sich nach jedem Bad allweg schmieren mit der Salben Linden Wist.l/ so wird er in Kurzer zeit gesundt.

Wann einem die Mannheit benommen/
vnd er die Werck der Liebe nicht pflegen
kan / wie einem zu helfen.

Es seind auch andere Zaubereyen/welche durch Sathanas Kräuter vnd Holz/ einem Mann oder Frauen/ in warmen Harn gesteckt werden/ damit sie einem die Mannheit benehmen/ durch einen Eichenen Ast/ welcher gladt vbersich wachst/ machen ein Spizen gegen der Sonnen vbersich/ vnd wa sie sehen da einer hin bringet/ da stecken sie fornen den Spizen in den Harn/tretens in die Erden hinein wann der Harn noch warm ist/ so verleurt der sein krafft vnd Natur/man ziehe ihn dann wider herauf.
Dem

Don Zeylung der
Dem kan man also helffen.

Nim ein spiz holz/ welches dē Eichenbaum
vnd Schlehndorn zugegen ist / vnd mit Geist/
Form vnd Substanz ihnen zu wider/ als da
sind Birckenbaum/ Hirschholder/ Trimenholz/
von diesen nim die Zweig/ binds zusammen wie
ein Besen/ lehre die Schoß vbersich vnd die
Stumpff vnder sich/ vnd Brung von oben da-
rein/ so ist ihm geholffen.

Ein ander Remedium.

Auch nemmen sie den Harn eines Menschē/
dem sie die Mannheit nemmen wollen/ thun
ihn in ein Eichen gefäß/ stecken ein Zapffen da-
rein vnd trehen es ligend mit dem Zapffen/ das
das Gefäß still stehet / vnd das thun sie gar be-
hend/ als bald der Harn warm wird/ so brenne
es den Menschen/ das er vermeint Toll werden
vnd lauter Unsinnig/ vnd muß bald vnd offe
Harnen. Diesen hilff also.

Nim süsse Angelica wurzel 3. Loth/ Wider-
thon ein Handvoll / diese zwey Stück in sein
Trinckgeschir gethon vnd darvon getruncken/
vnd anders nichts bis er gesund wird/ vnd laß
ihm sein Mannlich glied mit dem Häßlinen
Wistel salb schmieren/ so wird er gesund.

Wie

Zauberischen Schäden.

17

Wie du einem der dir die Mannheit
genommen widerumb be-
gnen kanst.

Nim dein eignen Harn/ etwa so viel als du
in drey mahlen Brunzen kanst/ nim dartzu ein
gute Handvoll des Edlen Clareten Daurant
kraut/ thu es in ein Newen Haffen / darein zu-
vor nichts kommen ist/ deck ihn zu/ setz ihn zum
Feur/ laß allgemach erwarmen/ so bleibe der
nicht lang auß/ der dirs gethan hat.

Etliche Arzney in gemein/ wie du sol-
chen Zauberischen Schäden vnd
Kranckheiten begegnen
kanst.

Diweil diese Zauberey vnd Schelmerey
kein Ende hat/ vnd je eine yber die ander ist.
Etliche machen es mit einem Schloß/ etliche
mit einem rothen Nestel/ etlich mit einer Na-
del/ Etlich drähen den Gürtel am Leib vmb/
vnd sprechen Zauberische wort dartzu. Etliche
werffen Kräuter an den Weg / wann einer zur
Thür ingehn soll. Etlich nehmen Erden von
einem Grab etnes erschlagenen Menschen/ vnd
werffen ihn ins Bett oder in die Kammer/ da-
rüber er gehn muß/ solche vnd dergleichen seinb
viel/ vnd vonnöden zuerzehlen. Was

Was einem durch ein Schloß gethan wird/
das ist wann einem die Natur verschlossen/
oder sonst durch böse Imagination gethan wor-
den/ so ist es vbel zuhelffen/ doch nim deß Edlen
Durants/ Widerthon/ vnd stillstehend wasser/
dieses gefotten/ darvon getruncken/ vnd dar-
nach gang er hin zu einer Wegscheiden da ein
Crucifix stehe/ schlag ein Nagel auß welters
nun ist/ vnd Brung durch das Loch/ vnd steck
den Nagel wider hinein/ das thu dreymal/ so
wird ihm geholffen.

Wannes durch ein roten Nestel gethan/ der
gliche einen Pfaal auß einem Zaun auß der Er-
den/ leg sich auff den boden/ hencf sein gemäche
in das loch/ vnd Brung darein/ stehe darnach
auff vnd stecke den Pfaal wider darein vnd bere
zu Gott/ so wird ihm geholffen.

Was durch ein Steecnadel gethan wird/ so
soll er sich mit lauter Mistel Salb salben/ so ist
ihm schon geholffen.

Würde es durch ein Gürtel gethan/ so loch
deß edelen Durants/ Widerthon/ Fosten/ S.
Johanskraut/ Hipericon/ seuds in Wein oder
Bier/ gibß ihnen zu trincken.

Ist es einem gethan mit Saturnischen kräu-
tern in den Weg geworffen/ wann einer in der
klag

Klag gehet/ so hilff ihm also/ ein Pflug stell gegē auffgang der Sonnen/ zeuch den Pflugstecken herauf/ brung drey mal dardurch/ so ist dir geholffen.

Wirds einem gethan von der Erden eines erschlagenen todten grab/ so nim ein Leich bree von einem Todtenbaum/ da ein Raft innen ist/ schlag den Raft auß/ brung durchs loch/ so ist dir geholffen.

Die weil dan solche/merckerey manchen einfaltigen belangend/ So hab ich solches auch nit verhalten wöllen/ vnd weil diese new bekannte alle wol zu bekommen sein/ mag der auch/ welcher gestalt es geschehen / mit verstande eins nach dem anderen brauchen / bis er das rechte triffe/ dann es ist keins darunder schädlich/ sondern das aller ringste darunder wirdt ihm dienstlich sein/ vnd ihm dadurch geholffen.

Wann ein Mensch franck oder Contract vnd Lam wird/ welches gemeiniglich den Weibern begegnet / wie ihn zu helfen.

Auch kommen Zaubereyen in kalt vnd feuchten vergiffen geäder vnd Blutgeäder also zu/ die nemen Radlen damit ein Todter ist eingenaheet worden/ stechen ein Nadel in ein schönen Apffel/

Apffel/ thun Ochsenkraut safft darein/ Lassens
 von ihm selbs trucken werden/ das niemand
 mercken kan/ solches schencken sie den Jungen
 frauen vnd Jungfrauen/ so bald sie den gessen
 haben/ so verstehet ihnen ihr Menstruum/ vnd
 zeucht ihnen von stund an in alle ihre Glieder/
 diese Weiber werden Contract vnd krumm/
 wachsen zusammen/ mit ihren Beinen vnd
 Knien an eine Brust bis in Todt/ wie das gar
 viel erfunden wirt/ dem hilff also.

Nim Daurantkraut ein Handvoll/ Eisen-
 kraut fünf handvoll/ Braunwurz vier Loth/
 weissen Wein / Wasser jedes zwo Randten/
 laß einsieden den ersten theil/ des gib de Kran-
 cken täglich drey gute starcke Trünck/ vnd wann
 der Tranc auß ist so mach ein Newen / vnd
 nim Farenkraut 60. handvoll / frisch Brunn
 wasser drey zimliche Kessel voll/ damit theil dise
 Kräuter / laß sie treffenlich einsieden/ laß es
 von ihm selbs kalt werden bis sie es leiden mag/
 darinnen bade sie des morgens zwo stunde/ des
 Abends ein stunde / am fünfften tag wider ein
 frisch Bad darein 10. handvoll weniger Far-
 zenkraut/ vnd 10 handvoll Braunwurz kraut/
 vnd 40 handvoll Farenkraut. Zum vierdten
 Bad/ nim der kräuter gleich viel/ vnd brauchts
 so lang bis sie gesunde wird / vnd brauch den
 Tranc

Tranck damit / vnnnd schmiere die Glieder mit
Balsam von Linden mittel.

Von Zauberischen Schäden der
gulden Ader.

Es seind auch andere Zauberische Schäden/
die zur gulden Ader gebraucht werden/ als da
seind Heiß vnd trucken von einer kalten Sub-
stanz / als nemlich / sie seind gar in ihrer triplici-
ter, vnd dasselbig zweyfaltig / das ein eusserlich
zu der gulden Ader / dadurch einer muß voller
Wargen werden am ganzen Leib / vnd leglich
das man stueck von ihm schneidet /zwo oder drey
Faust groß / vnd der ganz Leib wird vnempfind-
lich bis inn Tode / dann das Blut wird balde
dämpffig / die Aderen werden voller sandiger
Materien / vnnnd wird Morbus kibeä darauß /
vnd voller Schäden am ganzen Leibe / wie Feig-
wargen / dem hilff allein mit Braunwurz /
vnd Melissenkraut. Diese Kranckheit gehört
zum anfang / in dritten grad des Hautoris re-
soluti, Aber so baldt er vnempfindlich wirdt /
so gehört er vnder den uviatoriam Arsolutum
inflaculectum Capoi Cori, in halle den Anfang
vnd aufgang des 3. vnd vierdren grads / doch
kömen vnderweilen solche Schäden durch gros-
sen

B

sen

sen Zorn/die müssen gleich geheylet werden wie diese/vnd das geäder durchauß geschmiert mit Balsam von Linden Mistel/vnnd Capaunen schmalz/ denen aber so durch impositum, inn solchen Mangel komen/das ihnen die Füß vnd Glieder absterben/muß man helfen mit rotem Erden schwam/welcher im Schatten der Birckē wächst/vnd vnder der Erden stehet/was auff dem Boden stehet/muß man hinweg werffen/dann es ist nichts nüz/allein das kalt in hm/so vnder der Erden steht/zhue in ein Zinne Büchß vnd behalt es zur notturfft. Es muß gegraben werdē mit einem Lindenholz das spigig ist/vnd daß kein Eisen darzu komme/auch nichts das kalde vnd trucken seye/sonst würde die Zauberrey dardurch gestreckt. Diß muß man stossen das es wird wie ein Butter vnd darauff schmieren/man muß dise Schwämm im ersten viertel sammeln. Die andere offene schäden an den schenckeln vnd händen/sie seyen am Leib wo sie wöllen/so seind sie gearret schier wie Scroglar/vnd in den Löchlin des schadens roth/werden geheylet/wann man brauche die edele Durant Phaloranes genannde/die mit den grosse Blumen/vnd nachmals in der Blumen geradt in der mitte sehr grosse Federbüschlin haben/Es ist aber nicht des gemeinen Durant oder Tau-

rant

rant, sonder der letzte im Matthiolo, welches al-
 len andern vnbeckandt ist/ vnd gegen Auffgang
 der Sonnen wächst im Sandt. Dieser Tau-
 rant gehört in ersten grad Jovis/ Vm diß Pul-
 ver/ vnd zettle es in den Schaden/ sauber mit
 Widerthon wasser Callitrichon genant (Ca-
 pillus Veneris) der auß sondern Rosen wächst/
 er heylet gewißlich balde von Grunde heraus/
 diese Schäden gehören vnder ut salorum con-
 scribi. Zum anfang noch in raholtium vitia-
 rum des dritten Grads

Von Geschos in Händen/ Füßen/ vnd
 allen Gliedern/ vnd vorauß in Fingern/
 davon ein grosser schmerz gebiet/
 vber den kein grösserer
 sein mag.

Von dem Geschos were viel vnd mancher-
 ley zuschreiben/ dann man hat erfahrung/ daß
 ein Mensch das ander vber 600. Weil weger-
 schossen hat/ wie auch einmals zu Paris ge-
 schehen ist / da dann ein Eheman vber Meer/
 wegen seines weibs zu der einer groß Liebe hat/
 ermordet / wie diß zugangen mag bey den Ma-
 gis nachgesucht werden. Es seindt auch noch
 andere Geschos/ welche die alten Weiber vnd
 Wettermacherin wol wissen zu zurichten mit

B ij

schle.

schlehen dorn/ mit Eichen Zweigen/ mit Nad-
 len damit ein Todter eingenähet/ durch Fisch-
 ängel/ durch Nägel auß Koffhuff/ vnd von al-
 len andern dingen das von Natur Kalt vnd
 trucken ist/welche dem Saturno vnderworffen/
 wie es nun die tägliche Erfahrung gibe/ das
 nicht allein vorerwehlt stück außschwäre/ son-
 der auch das Haar beim Marck/ vnd allerley
 solch häuffig gauckelwerck/ muß außschweren/
 welches nicht zuglauben der es nicht mit Augen
 gesehen hat/solche geschos von ersten zu curiren
 ist Leicht/ dann so bald du den Balsam von
 Häselen Mistel darauff streichest/ so vergehet
 der grosse schmerz. So es aber lang gewert hat/
 vnd das Glied engünd were/ muß man dasselb
 mit Farenkraut wurkelen/ vnd mit dem Eichen
 Laub/ wie andere Zauberische schäden löschten/
 vnd hernach mit obgemeltem Balsam salben/
 so wird er in wenig tagen gesund vnd von grüß
 auß gehenlet.

Alhie will ich einen jedwederen Freundlich
 gewarner haben / wer befind irgends ein Ge-
 schos an seinem Leib/ es sey an welchem Glied
 es wöll/vnd er in allweg diesen Edlen Balsam
 nit hat/ der mag nemmen in der Noth/ sein ei-
 gen Korb/ vnd roten Knoblauch/ dasselb mach
 durch einander/ doch berürs mit keinem Eisen/
 legs

legt vber das glied da das Geschosß ist / so wird es alsbaldt besser / Doch muß das geschehen/ ehe das Geschosß sibem Grund gewehret hat/ so kompt es zu keinem geschwer/ so es aber zu einem geschwer käme/ so heils wie andere Zauberische Schäden.

Wann ein Mensch durch Zauberey von sinnen kommen were/ als bisweilen geschicht/ den iungen Gesellen vnd Jungfrauen/wann ihnen die Kunst mißlingt / vnd sie dieselb nicht reche gelernet haben/ sehē weder auff tag noch stund/ so müßens vnder dem von Sinnen kömen/ vnd ich hab ihr viel selbst gesehen.

Es geschicht viel vnd mancherley Zauberey vnder den Menschen/ welches für nichts angesehen vnd ein schlechts vnd gerings ist/ vnd die tägliche erfahrung gibe/ das mancher gesell vnd Jungfrau/ ein solch bislein erwischet/ dadurch sie gezwungen werden das sie den oder sehne lieben müssen/ zu dem sie oft kein lieb haben/ dann es geschicht oft das ihren zwey zusammen kommen/ durch solche Zauberey. Aber die Liebe wäret nicht lang/ solche Zauberey geschicht durch viel vnd Mancherley Kunst Sträcklin/ dann erstliche geschehen durch Kräuter welche sie den Tag Veneris graben vnd erstliche Zauberische Wort darzu sprechen/ welche der Teuffel

B iij

lehret/

Von Zeylung der

Lehr/etliche geschehen durch Spiegel mit worten/welches das gefährlichst ist vnder obgemelter Zauberey.

Bericht so einer durch Zauberische gemachte Liebe von Sitten koften/oder sonst von Zauberischen Menschen verzaubert/ das er von Sinnen darüber wirdt/dem hilff also.

Rec. Hypericon anderhalb handvoll/ edler Durandt zwo handvoll/ des edlen Widerrhons ein handvoll/ vnd siede dasselbig in drey maß Weins/ davon laß den Krancken trincken Abends/ Morgends vnd zu Mittag ein starcken trunck/ das thue er sieben tag nach einander/ vnnnd am achten Tag des Morgends frühe so gib ihm ʒi. oder ʒ. ls. (nach dem die Person starck) der sehr edlen Amberkörner alle Morgen/ das soll er auch 7. Tag nach einander thun/ wann ihm aber der Teuffel hart zusezt. So soll man ihm dieses nachfolgende Bad zu richten als folget.

Rec. Hypericon ʒ. Handvoll/ Tosten zwo handvoll/ des edlen Durandts drey Handvoll/ des

des kleinen Durandts ein handvoll / des gemei-
nen Durandts ein handvoll / zweyerley Wi-
derthon / Ana / ein handvoll / koch solches in
stillstehendem Wasser / das geschöpfft ist wie
oben gehört / laß den drittheil einsieden / darinn
bad den Patienten / so lang biß er Gesund wird
neun Tag / vnd alle Tag ein ander Bad / vnd
des vorgehenden Tranccks vnd Pulvers mit ge-
braucht / so wird er Gesund ohn zweiffel.

**Wann einem mit Zauberrey gethan / das
er ein Menschen (es seye Mann oder
Weib) nicht lassen kan.**

Nimm S. Johansblumen die weissen / welchs
wächst an den Wegen vnd Lerten / deren nimm
ein handvoll / Hypericon zwo handvoll / des ed-
len Durandts 2. handvoll / dasselb send im fließ-
senden Wasser / das niemands sieht noch ge-
war wirdt / vnd trincke dasselbig neun tag nach
einander / vnd thu den rechten Schuch an den
lincken / den lincken an den rechten / das trag al-
so 8. tag / vnd siehe das du mit keinen blossen
Füssen auff die Erden trettest / so wird dir gehol-
ffen / auch maastu an deinem Hals tragen Hy-
pericon / die Wurzel Tosten / vnd den edelen
Durant / darvon vergehen alle böse gedanken.

B iij

Es

Es geschehen auch andere Zaubereyen durch wächsene Bilder / durch welche einer verlest wird / an welchem Glied sie wöllen / wie mit Geschöß / allein das es viel gefährlicher ist / vnd auch andere Cur vnd Remedium darzu gehört.

Die Zauberey mit den Bildern geschicht auch viel vnd mancherley weis / wie mir derselbigen auch viel seindt zukommen / dann etliche so geschwind sind / das sie Wachs bilder formiren mit aller Gliedmaß wie ein Mensch / vnd dasselb Bild machen sie durch Imagination in ein Bildnuß des Menschen den sie verlegen wöllen / stellen das Bild auff ein Eychenholz / nach dem schießen sie mit einem Stählinen bo gen / vnd wo sie das treffen dasselbig Glied wird lam! Als wanns der Schlag getroffen heit / welches bey etlichen für den Schlag angesehen wird vnd doch nicht ist / das auch manchem das ganz Glied weg stirbt / Solches muß Curirt werden.

Rec. Den rothen Birckenen Schwamm wie oben genugsam erzehlt ist.

Es wirt auch offte gethan durch ein wächsene Bild / das einer gar gebuckelt wird / das mancher spricht das Herz Brenn in ihm / das ihm geholffen werd thu ihm also.

Sie

Sie nehmen ein Wächsen Bild/ machen ein spizigen Spieß von Eychenem Holz/ vnd stechen durch das Bild/ wendens bey dem Feuer vmb/ vnd so lang es bey dem Feuer ist/ so hat der Mensch/ auff den es gemacht ist/ grosse Angst/ das mancher meint er muß verbrennen/ wann diese Person nuhn gebraten wird/ muß sie bald sterben/ etliche halten das Bild an einem warmen Ort/ das es sters Warm leit/ davon der Mensch auff dē es gericht ist/ sters schwigt/ vnd wegfällt wie das Wachs zerschmelzt/ vnd kan vber drey Jahr nit leben.

Diesem hilff also.

Nim Hypericon/ Dosten/ Durand/ Widerthon/ Stabwurz/ S. Johanskraut/ braunen Beyfuß/ Ana/ solches alles seud in stillstehendem Wasser/ den dritten theil eingefotten/ darinn bad den Patienten alle Tag zwo stund auff zweymal/ du must auch recht verstahn/ wie diß bad recht kocht soll werden/ dann du must nicht das gemein Feuer darzu nehmen/ sonst wird die Kranckheyt dardurch gesterckt/ auch kein Feuer so mit Stahlstein oder Eisen auffgeschlagen wirdt/ sonder gehe hin zu einem Apffelbaum oder andere Bäum da der Tonder eingeschlagen hat/ auß demselben Holz/ laß die

W v

ein

ein Segen machen/mit diser Segen soltu auff einer hölzinen Schwellen/darüber viel Volcks gehet/ so lang segen bis es sich anzündt/dann mach Holz auß Birckenschwammen/welcher zugericht ist/vnd zünd ihn bey diesem Fewr an/vnd mach ein Fewr darauß/damit du das Bad vnd alles was du zu deinem Leib bedarffst verfertigen lauff/vnd laß das Fewr bey Leib nicht außgehen/dann sienit bald wider zuzurichten/du magst auch von den Kräutern trincken/so wirstu gesund/das Bad aber deß stillstehenden Wassers/davon du alle 3. Tag ein frisches nehmen solt/solt du wider hingießten/da du es genommen/vnd immer hinfließen lassen.

Ein andere Zauberrey / von einem Bild welches sie auch einem vnder die Schwellen legen/wie es zuwenden sey.

Etliche nehmen ein wachs Bildt / formirens auffß artlichst/vnd nehmen ein Nadel/die Spizen von Schlehendorn/machen auch scharpffe Spizen von Eichenholz/diß gancckwerck schlagens dem Bild in alle Glieder/vnd grabens vnder ein Schwell da der Mensch/auff den es gericht ist/auff vnd ein muß gehen/so empfind er alsbald grossen schmerzen/vnd alle seine Glieder schmurren ein/das der Mensch ligen

ligen muß/ wie der Arme Lazarus/ da schweren
zu einem Glied auß Nägel/ zum andern Nad-
len/ zum dritten Dörn/ vnd was sie ihm in das
Glied des Bildes geschlagen haben/ wie ich es
selbst gesehen hab.

Diesem hilff also.

Die erst vnd beste Hilff ist/ das du das Bild
vnder der Schwellen/ oder wo es zu finden ist/
aufgrabest/ vnd dasselbig in das Feuer werffest/
so darffstu dem Krancken kein Arzney thun/
sonder wird in vierzehnen tagen gesund ohn alle
andere hilff aller Arzneyen/ So du aber nicht so
geschickt bist das Bild zu finden/ so muß du ein
ander Remedium brauchen/ nemblich dieses.

Nim des edlen Hypericon/ auch des edlen
Durandes/ des edlen Widerthons/ des edlen
Tossen vnd Stabwurz/ alles in gutem Wein
gesotten/ wäsche ihm den Schaden rein damit
auß/ thue auch alle Tag drey Trüncck davon/
magst ihm auch von vorgemelten Kräutern
vom stillstehenden Wasser ein Bad machen/
vnd alle Tag ein stundt darinn baden/ vnd alle
dreytag ein newes/ solches magstu ihm brau-
chen ein halben Monat im Abnemenden Mon/
diß soll er fort treiben biß er Gesund werde.

Auch

Auch pflegen sie durch die Menschen zu breglen/ vnd gemeiniglich die Weibsbilder/ wann ihnen ihre allerliebster entlauffen/ so breglen sie ihn das er widerkommen muß/ darfür brauche wie folgt.

Alhie nemmen sie die Kräuter/ die sie dem Teuffel zugefallen außgraben/ vnd auch in seinem Namen ein Hasen kauffen/ wie sie wol wissen/ legen alle bewusste Stück daren/ machen ein Feuer darumb/ vnd auff denselben Menschen den sie begeren zu haben für vnd für biß das er kompt/ deswegen er gar kein Ruhe haben kan/ vnd wo er nit fort kan kommen/ kompt er von Sinnen oder stirbt vor Angst.

Solcher Person hilff wie folgt.

Nim für solche Vangigkeit des Edlen Durandis/ auch des Ingrün beerwincels/ des Widerthons/ Hypericon/ Ana/ sied es in Wein/ vnd gib es ihm zurrincken/ des Edlen Durandis vnd Hypericon hencke ihm an halß/ so wird er gesund.

Es seind auch etliche Zauberere dardurch sie die kleinen Kindlein verzaubern/ denen hilff also.

Sie nemmen den Kindern ihre Windlen
oder

oder Hembdlein/ oder der Glicken was sie können bekommen von Kindern/henckenes in rauch/ davon das Kind vom Rauch kein Ruhe hat/ so wol auch durch ihr Zauberische Wort kein Ruhe haben können.

Denen hilff also.

Nim Durchwachs/ seud es in Wasser/ vnd bad das Kind darinnen 3. tag nach einander/ morgens frühe ehe die Sonn auffgehet/ darnach traas auß an ein heimliches Ort/ da nicht viel Leuth hinkommen/ oder zu einem fließenden Wasser.

Nim des Edlen Durandis / Hypericon / Widerthon/ Ana/ stoß es zu Pulver/ strewe es dem Kind auff den Drey 30. Tag nach einander so wird es gesund.

Für das beschreyen der kleinen Kinder/
wie ihu zu helfen.

Wiewol diß nicht gehört vnder die Zauberische Kunst/ so muß ich doch solches erzehlen/ gedencken/ dieweil es den armen Kindern zum besten kompt.

Die Kinder wann sie beruffen sind/ so seind sie gar blau vmb die Augen/ ruhen des Nachts nicht/ weinen vnd heulen.

Hilff

Von Heylung der
Hilff ihn also.

Nim Beerwincel/ das ist/ Ingrün/ Du-
rant / Hypericon / legs ihm ins Bad/ darinn
bad das Kind neun mal/ darnach nim Linden
Wistel/ Eybischholz/ das auff den Weiden ge-
wachsen ist/ Delfuchen Waben/ damit räuch
das Kind Abends vnd Morgends/ so wirt ihm
bald geholffen.

Wann das Viehe verzaubert ist/ dasselbig
zu behüten vor absterben/ vnd die Zauberey
wider weg zubringen wie hernach folgt.

Wann das Viehe bezaubert ist/ so nim Wey-
rauch vnd Mirzen vnd rothen Knoblauch/ stoß
vndereinander an einem Donnerstag nach
Mittag/ wann das Vieh außgeht/ so nim ein
neuen Leib Brot vnd schneid ein bisle darvon/
vnd in ein jedes ein wenig eingemacht/ vnd da-
rauff ein wenig Sals gestrewet. das es das
Viehe esse/ darnach zu Feld getrieben/ es hilffe/
demnach am Frehtag am Morgen früh wann
du gemolcken hast/ so laß die Gelten nicht auß-
schwewcken/ oder heng es vergebens in Rauch
ohn außgewaschen/ so wird dieselb kommen vnd
etwas borgen wollen/ du solt ihr aber nichts lei-
hen/ sie wird im Haus hin vnd her gehen/ so
mußtú sehen das sie nicht hinauß mag/ es hilffe
sonst nichts.

Ein

Ein anders.

Nimm die Milch von der selben Kuh / gieß in ein neuen Topff an einem Sonnabend / ehe die Sonn auffgeht / vnd gieß die Milch darein / vnd wirff die stück auch darein / vnd reiß der Kuh die langen Haar auß vnder den Augen / thu es in die Milch im Topff / darnach mach ein Teig von Meel / thu ein Deckel vber den Hasen vnd verkleib ihn wol / das kein Luft darein kompt / darnach nim das Sentyuch / du mußt aber den Topff mit der Milch ins Feuer setzen / vnd laß sieden ein stundt oder zwo / darnach nim das Sentyuch rein gewesen / vnd geuß die gesotten Milch darein / vnd dardurch / darnach laß die Kuh zu 3. malen melcken / vnd seyhe die Milch durch das Tuch wie zuvor / vnd geuß dann die Milch alle zusammen in ein neuen Topff / vnd thu deines Hauses Staub darein / darnach setz den Topff mit der Milch vber die Thür da die Kuh in Stall gehet / vnd sprich O Herr Jesus Christ mein Nutz ist mir benommen / ich bitte dich durch dein bitter leiden / das mir möchs mein Nutz wider werden der mir ist benommen.

Vnder allen Zaubereyen in gemein
brauch diese nachfolgende Stück.

Wer sich des bezauberens befürchtet oder
befor.

besorget/ oder bey solchen bösen Leuten wohnet/
 davon er sorget solche böse gedanken zubekom-
 men/ der soll nehmen der edlen Hypericon/ des
 edlen Durants das nach der rechten Influens
 des Himmels graben/ vnd hencf das in 4. winckel
 des Hauses/ Stuben/ Kammern vnd Keller/
 vnd legts in die Bett/ du mußt es auch am Hals
 tragen/ so will ich dir geloben das dir kein Zau-
 berey widerfahren mag / Du magst es auch zu
 acht Tagen Pulvers weiß inn Leib brauchen/
 auch dem Vieh vnder dem Salz mittheilen/ so
 bistu vor aller Zauberey sicher. Diß hab ich dir
 lieber Bruder Ulrich in Eil geschrieben/ du
 wöllest dich darinn ersehen/ vnd mein trewe
 Lehr annehmen/ so will ich dir geloben/ wo fern
 du die Sachen recht darnach anschieffst/ vnd
 die Kräuter wie oben vermelt ist/ recht brichst
 vnd warnimbst/ wirst du aller Zauberey wie
 oben vermelt / widerstand thun können/ hiemit
 befehl ich dich in Schuz Gottes. Da-
 tum Bräg den 3. Januarij/
 Anno 1552.

E N D E.